

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 782. An, quando & quomodo sibi succedant conjuges.

[urn:nbn:de:hbz:466:1-73957](#)

ascendentium. Qui tamen etiam in feudis non succedunt. c. unic. 2. feud. 26. sed neque in allodialibus sibi succedunt, si adoptati ab extraneo cit. l. penult. §. 1. Lauterb. l.c. verum de adoptivis sine distinctione id negat Reiffenst. num. 48. citans Schneid. L. 3. tit. 1. de tert. ord. succed. n. 41.

6. Resp. Sexto: fratres illegitimi seu naturales tantum, ut & spuri ex eodem patre sed diversis matribus nati, sibi invicem non succedunt. Covar. de matrim. p. 2. c. 8. §. 5. n. 26. Schneid. l.c. n. 42. Lauterb. §. 40. Engels b. l. n. 13. Reiffenst. n. 49. juxta novell. 89. c. 4. l. spurius. ff. unde cognat. Neque etiam succedunt fratribus legitimis natis aut legitimatis; neque hi illis; cum successio haec sit reciproca, ita ut legitimus succedere nequeat illegitimo in causa, ubi hic succedere nequit legitimo. Covar. in epitom. success. in fin. arg. cit. novell. 89. c. 4. Fratres tamen hujusmodi illegitimi uterini, seu ex eadem matre nati, non tantum sibi invicem, sed etiam fratribus legitimis uterinis succedunt, & hi vice versa illis. l. spurius. L. 2. ff. unde cognat. §. 4. Inf. de success. cogn. novel. 118. c. 3. in fin. Covar. de matrim. l.c. Schneid. l.c. n. 44. Reiffenst. n. 50. Lauterb. l.c. Qui tamen hanc addit limitationem: ut si concurrat frater defuncti germanus, hic cum exclusione aliorum sit praeferendus per cit. novel. 118. c. 3. & quod mater etiam naturalis à successione fratris excludatur, per eand. novel. c. 2. uti & Jure Wurtenb. frater naturalis tantum eosdem parentes habens excludat uterinum. De cætero nati ex damnato concubitu collaterales nec sibi succedunt invicem, nec legitimis, nec hi illis, sive alias sint ex linea paterna, sive ex materna. Novel. 74. c. fin. novel. 89. c. fin. Covar. l.c. Schneid. n. 47. Fachin. L. 6. c. 10. Lauterb. l.c. Reiffenst. n. 51. contra de Ubald. de success. ab intest. p. 3. col. 4. Curtium Jun. conf. 123. & alios apud Covar.

Quæst. 782. An & quando & quomodo sibi succedant conjuges?

1. R^Ep. primò: ubi defunctus nec ascendentives, nec descendentes, nec collaterales sanguine junctos reliquit, succedit conjux superiles, sive uxoris, sive maritus, excluso Fisco juxta clarum textum. l. unic. c. unde vir & uxoris. cum sint utriusque fortunæ causam participes, ut dicitur L. 2. §. 7 ff. solut. matrim. nisi in contrarium adiungit pacta dotalia, vel statuta, aut consuetudines locorum. Idque etiam matrimonium non fuerit consummatum; cum matrimonium, non concubitus sed consensus faciat. l. nuptias. de R. J. & si quod ad effectum successionis requiriatur consensio talami, per hanc tamen non intelligi copulam carnalem, post Befold. Carpz. Boët. Harpr. ait Lauterb. l.c. §. 45. Potrò hæc successio restringitur ad solos conjuges cum exclusione quorumcunque affinium; cum jure affinitatis nulla admittatur successio juxta L. 7. c. communia de success. unde fœcer non succedit Genero. Barry. de success. L. 18. rit. 4. n. 10. Kohl. de success. conjug. p. 1. n. 45. Lauterb. l.c. n. 42. sed neque extenditur ad sponsos de futuro. Lugo cit. d. 24. n. 192. vide de hoc Lauterb. §. 45.

2. Resp. Secundò: ut verò locum habeat hæc successio (intellige in omnia bona defuncti conjugis) requiritur primo, ut nulli sint cognati. Nam si maritus defunctus dives reliquit liberos vel alios cognatos sanguine junctos & uxorem indotatam & pauperem, uxoris ab intestato capit quartam hæreditatis partem, si non sint plures quam tres liberi, si plures

sint, succedit cum illis in capita, seu accipit tantam portionem, quamquam quælibet proles legitima. Uti etiam succedit in quartam partem cum lateralibus, ubi hi succedunt defuncti nullos ascendentives aut descendentes relinquenti, cum hoc discrimine, ut, si uxor cum liberis mariti succedit, habeat tantum usum fructum portionis sibi debita ad dies vita, reservata proprietate liberis. Succedens vero cum lateralibus, etiam proprietatem suæ portionis retinet; in quam tamen etiam partem computanda, quæ ei à marito legata vel donata de Lugo l.c. n. 193. Reiffenst. n. 35. Lauterb. §. 46. addens, hanc portionem ex speciali legis beneficio uxori debitam ex bonis conjugis defuncti ære alieno deducto, nec per testamentum nec per aliam dispositionem afferri aut minui posse, pro quo citat. Gratian. discept. for. T. 1. c. 120. n. 34. Carpz. p. 3. c. 7. d. 4. §. 8. Ludvvel. de ult. vol. p. 1. c. 4. Et hæc juxta ea, quæ de his omnibus expressè statuuntur. Auth. præterea. c. unde vir & uxoris juncta novel. 117. c. 5. §. novel. 53. c. fin. ex ea ratione, ut uxor in opprobrium mariti defuncti mendicare, aut alijs secundum statum suum indecenter vivere non cogatur. Si verò uxor marito dotem attulit, eamque soluto matrimonio repetuit juxta c. fin. de donat. inter virum & uxorem, nihil ei debetur ex bonis mariti, nisi dos illa ita modica sit, ut ad sustentationem insufficiens, ut cum Schneid. l.c. n. 17. Reiffenst. n. 57. uti etiam ei ex bonis mariti nihil debetur, etiamsi dotem non attulerit, si tamen aliunde media sufficientia habeat; quia ad accipendum quid ex illis bonis requiritur, ut sit pauper, juxta quod expressè dicitur cit. auth. præterea & novel. 53. c. fin. qualis num sit, arbitrandum. Judicii relinquuntur per gl. in cit. auth. præterea. V. locuples. Idem, quod in hoc puncto & circumstantiis dictum de uxore, dicendum quoque de marito; ita ut & hic pauper succedat in quartam vel virilem partem cum filiis. Ut juxta cit. auth. præterea. loquenter indistinctè de utroque conjugum, & novel. 53. c. 6. expressè tradentem hanc sententiam, tenent gl. in auth. præterea. Schneid. l.c. Engels. b. 1. n. 15. & dd. communiter apud Reiffenst. n. 58. qui tamen bene dicit huic sententiae gravem obmoventis difficultatem ex constitutionibus novissimis novelle 117. c. 5. in fin. dum ibi dicitur: virum enim talibus casibus quartam secundum priorem nostram legem ex substantia mulieris accipere omnibus modis prohibemus.

3. Secundò requiritur tam ut uxor in totam hæreditatem, quam in dictam partem aut portionem vitilem succedat, non tantum, ut matrimonium sit justum seu legitimum, & ut inquit Lauterb. §. 42. duret mortis tempore (quousque juxta Catholicos non potest non durare quod ad vinculum) sed etiam, ut tempore mortis non fuerit inter eam & maritum divortium quod ad habitationem vel torum. l. unic. ff. unde vir & uxoris. ex ea ratione, quod causa hujus successionis sit illa individua conjunctio maris & feminæ societas, quæ cessante, cessat etiam successio illa juxta c. cessante de appell. Pirl. b. 1. n. 24. Reiffenst. n. 53. Non obstante tamen, quod divortium illud præcesserit, modo tempore mortis sint reconciliati, ut de Lugo n. 192. cum Vafq. l.c. §. 3. du. 2. n. 62. Quin etiam conjugem superfitem adhuc succedere posse, si ipse non dederit causam divortii, censent nonnulli. Pirl. l.c. Zoël. in ff. unde vir & uxoris. n. 3. & ita à contrario tenent Lauterb. §. 44. Befold. p. 5. conf. 250. Richt. &c. dum docent, non esse locum successionis, si conjux dolo vel culpâ suâ dedit causam separationis quod ad torum. Si verò se paratio

paratio illa quod ad torum fiat circa odium pari con-
fensus utriusque, & animo servandi virginitatem
vel continentiam ex motivo honesto, dubium non
est, per hoc non impediri successionem.

4. Resp. Tertio: De cetero plura sunt, quae il-
lam successionem impediunt. Primo, si conjux su-
perites defuncto causam mortis praebuit. V. G. con-
jugem occidendo, etiam in adulterio deprehen-
sam; quia non habuit jus illam occidendi. Non
obstante L. 3. §. 3. ff. ad SC. Syllan. dicente, in hoc
si ignoscendum marito; cum id restringendum ad
peccatum ordinariam. L. Corn., ita Coler. p. 2. decis.
286. n. 27. Stru. de vniuers. privat. c. 8. §. 1. Lau-
terb. §. 43. Vel etiam, licet maritus violentas manus
non injecerit, struxerit tamen vitæ uxoris infidias,
vel ei alimenta, id est, ad vitam necessaria dene-
gaverit; cum talis necare dicatur L. 4. ff. de agnosc.
& alend. liber. Vel ei decubenti medicamenta
non procuravit, vel de medico non prospexit (in-
tellige, ubi poruit) ac ita mortem acceleravit. Se-
condo, si adulterii accusavit, nec obtinuerit. Tertiò,
si malitiosè deseruit. De quibus omnibus vide Lau-
terb. l. c. qui etiam addit: si mortem conjugis non
vindicavit. pro quo citat. L. 27. de jur. fisci & §. 44.
si intra annum luctus ad secunda vota transiit, ci-
tans pro hoc L. 1. & 2. c. de secund. nupt.

5. Dixi in Resp. I. nisi in contrarium sint pacta do-
talia vel statuta, aut consuetudines locorum speciales.
siquidem quod ad successionem conjugum ab intestato
dispositioni Juris civilis hodiecum ferè ubiquè loco-
rum derogatum est; cum conjuges plerumq; circa
successionem pactis dotalibus aliisque dispositio-
nibus & conventionibus sibi prospiciant. Carpz.
J. F. p. 2. c. 43. d. 2. Mysl. cent. 2. obs. 33. Gail. l. 2.
obs. 117. Lauterb. l. c. §. 49. Et quamvis pacta eti-
am dotalia futuræ successionis aliæ sint invalida de
jure. L. pactum. c. de pactis. L. hereditas. c. de pactis
convent. junctâ L. stipulatio ff. de V. O. consuetudine
tamen ubique, saltem in Imperio Ramano, rece-
pta valent, & observari debent. Arg. c. fin. de consuet.
Deficientibus verò istiusmodi pactis, recurrendum
ad jura provincialia & statuta localia, quæ circa suc-
cessionem conjugum sunt diversissima, ut videre est
apud Lauterb. cit. §. 49. & seq. Es si neque ea quie-
quam disponant de successione conjugum, devenien-
dum tandem ad Jus Justinianeum seu commune, ut
Lauterb. l. c. Ubi tamen ad statuta localia recurrendum,
illud hic circa successiones, non tantum con-
jugum, sed in genere observandum; quod si defun-
ctus in alio loco mortuus, in alio loco domicilium,
in alio loco bona sita habet, jura & statuta loci non
observari in successione legitima, nisi quis simul ibi
domicilium perpetuae habitationis & bona sita ha-
beat. l. 7. c. de incol. l. 27. §. 2. ff. ad municip. cum
mors regulariter neque personam, neque bona sub-
jicit jurisdictioni illius loci. Carpz. J. F. p. 3. c. 12.
d. 13. n. 4. & resp. l. 6. resp. 38. Lauterb. §. 52.
exemplificans hoc ipsum in studio mortuo in uni-
versitate aliqua, cuius hereditas legitima, imo nec
mobilia, quæ secum haberet, deferuntur heredibus
secundum iuris illius loci, sed loci, in quo domicilium
civiliter seu stabile, vel bona habet idemque dicit
de marito. Distinguit tamen §. 53, inter bona mobilia
& immobilia, ita ut quod ad illa fiat successio secun-
dum iura & statuta illius loci in quo domicilium ha-
buit, etiam si ea bona extra illud territorium alibi re-
periatur; eo quod illa bona mobilia eo in loco, quo
solam temporis gratiâ translata, civiliter existere non
videantur; sed paterfamilias ea destinare creditur ad
locum domicilii, ut ibi ejus familiæ deserviant, adeo-

que in eo loco civiliter esse ejusque jurisdictioni sub-
esse censentur. Quod ad bona vero immobilia se-
cundum sententiam jure verissimam, communem
DD. & in praxi receptam successio in iis deferenda,
non secundum statuta & iura domicilii, sed cuiusvis
loci re sitæ, utpote cuius jurisdictioni subjecta sint.
per l. 1. 2. 3. c. ubi in rem actio. l. unic. c. ubi de here-
dit. agitur. pro quo citat Gail. l. 2. obs. 124. n. 16. &
seq. & alios, addita etiam ratione; quod statutis lo-
cioni tantum subditi illius loci astringantur; sed eti-
am alii ratione delicti, vel contractus, vel rei sita
foram fortiantur. Et quod de bonis immobilibus
dictum, idem observandum dicit in mobilibus, à
patrefamilias destinatis ad certum locum, ut ibi per-
petuo maneat. v.g. ovibus ad certum agrum ster-
corandrum perpetuo destinatis, eò quod res mobilis
tunc fiat immobilis, & pars illius loci seu prædi per
l. 17. §. 7. ff. de aet. empti, aliasque LL. ab eo citatas.
Successio vero in rebus incorporalibus, quæ natura
suâ nequemobilia, neque immobilia sunt, quia ad-
harent personæ, facienda secundum statuta domi-
ciliis defuncti, pro quo citat. Carpz. cit. p. 3. c. 12. d.
14. Gail. l. 2. obs. 124. n. 19. & si nullum domicili-
um habebat, utpote vagabundus, spectandus locus
originis, pro quo citat Carpz. l. 6. resp. resp. 40.

Quæst. 783. An & quando pupillo dece- denti succedat tutor illius?

R Esp. succedere ei tutorem deficientibus omnibus
eius consanguineis. per l. quot uela. 42. de R. q. di-
centem: quod tutela redit, eo hæreditas pervenit, ni-
si dum feminæ hæredes intercedunt &c. affirmant
Bart. & Gomes apud Vasq. de testam. c. 4. §. 3. du. 2.
n. 63. Id tamen ex dicta leg. non recte desumi, a-
struit de Lugo l. c. n. 193. eò quod ibi non agatur de
defectu consanguineorum; sed solidum dicitur, quod
inter consanguineos preferatur in successione, ad
quem pertinet tutela; cum hæc etiam proximiорibus
debeat, nisi sint feminæ; adeoque non dicatur
quod tutor non consanguineus datus ex testa-
mento vel officio Judicis succedat pupillo.

Quæst. 784. An & quando succedat Fiscus?

R Primò deficientibus ex omni linea cognatis ad
decimum usque gradum, ac insuper conjugi, in
omnia defuncti bona ab intestato succedit fiscus juxta
expressos textus l. 1. §. ult. ff. de jur. Fisci. l. 1. & 4. c. de
bon. vacat. & quidem laicus defuncto laico, ecclie-
siasticus ecclasiastico. c. 1. b. t. de Lugo. l. c. Pirh. b. t.
n. 25. non quidem ut hæres (licet quod ad effectum
hæreditis loco habeatur) sed bona hæreditatis vacan-
tia jure territorii occupat. l. 4. & l. fin. & totot. c.
de bon. vacat. l. 28. ff. de jur. fisci. Peregr. l. 1. t. 1.
num. 60. Bachov. ad Treutl. vol. 2. d. 16. th. 1. lit. F.
Lauterb. l. c. §. 57. & si defunctus diversis in locis
reliquit bona, Fiscus domicilii immobilia ibi sita,
& mobilia, ubi sunt, occupat, reliqua immobilia
ad cuiusque loci fiscum, ubi sita, spectant. Barry
de success. ab intest. l. 18. tit. 5. num. 1. & 2. Mev.
ad Jus Lubec. p. 3. t. 2. a. 14. quot citat & sequitur
Lauterb. l. c. qui etiam §. 56. in fin. cum Vinnio Juris
controv. l. 1. c. 64, ait, Doctori vel studio defuncto
succedere fiscum academicum, quamvis autem bona
defuncti ipso jure deferantur fisco, possessor ta-
men eorum, non de facto, sed viâ juris expelli-
dus est. l. 7. c. de jur. fisci. Lauterb. §. 58. liquidem
antequam fiscus bona intestati capiat, requiritur
discussio & promulgatio publica, quæ denunciatur,
ut, si quis ad hæreditatem se jus habere putet, com-

Bbb

pateat

R. P. Lœr. Jur. Can. Lib. III.